

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manē discutienda in Scholis Medicorum, die Jovis sexto mensis
Decembris, anno Domini M. DCC. XLII.

M. URBANO DE VANDENESSE,
Doctore Medico, Præside.

An à globulosa sanguinis parte ad cutem appellentis, Æthiopum color ?

I



SCIENTIÆ beneficio homo ab homine differt. Hic certi si quid reperias, illic ambigua, dubia, incerta quàm plurima; quidquid agas, hoc stabit inconcussum. Medicam artem aspice, nihil ipsa necessarium magis, nihil ipsius objecto clarius, nihil sine superius. Certa sanè ac permulta ex propriis Medicinæ principiis deduces; horum ope præsens servatur sanitas, restituitur amissa; hunc scopum attingere ambienti, quot labores! Experientiæ filo ducatur ars, ita ut miruas sibi præstent manus, ars usu firmetur, usus arte dirigatur. Errant tamen, inquit, & melioris notæ Medici; nec Dii sunt. Invicem pugnantia proponunt, fucos sistematum obnubilantur Medicinæ præcepta, quid ad Medicinæ certitudinem? Multas? His acuitur ingenium, majora molitur, cuncta stricte trutinâ pensantur; ex his par Medicinæ ac alterius scientiæ emolumentum. Naturæ penetralia adire altiusque scrutari Medicum decet, Physico - Medici tunc partes agit, nullum nisi Physicis congruens ratiociniis admittit sistema. Autopsiæ nec repugnet quod circa animalem versatur œconomiam. Hoc animo Æthiopum coloris causam inquire, varias expende opiniones, unam statue, experimentis ac ratiociniis firma. Naturæ ludibrium cutis colorem inattentus ne existimes, multigenam potius obstupescere varietatem; albo Europei, nigro Æthiopes, flavo Sinæ, rubro Caribæ colore tinguntur. Albidiore adhuc splendore nitent Angli; differunt à Gallis Hispani, hi à Lusitanis; cuique genti suus à naturâ insitus est color; non minùs colore quàm ingenio à se invicem discrepant variarum regionum incolæ, non mens eadem, non vultus idem, non color unus. Stupendi Nigritarum, seu Æthiopum, coloris causam ancipitem reddit opinionum diversitas; Tot enim capita tot sensus,

II.

ÆTHIOPIUM nomen si requiras, à Græcis ipsum desume, à verbo *αἴψα* cremo, & *ὤφθαλμος*, quod significat oculus, faciem vel aspectum; torrentur enim perenni solis aspectu, ac vicinitate, Æthiopes à Cain, Adami filio primogenito,

* Hanc opinionem consutavit de re litteraria vir bene meritus De Tourne- mine Reg.Sc. Acad. Soc.

propter fratricidium, nigris tincto coloribus originem trahere, sunt qui autumant* ast absit sacris obversa codicibus opinio. A tribus Noe filiis omne disseminatum fuit genus humanum. An ex Chanaan maledicto ortum ducant, credere nefas, alia fuit ipsius posteris inflicta pœna, servitus. Alii ex peculiaribus principiis sanguini commixtis huncce erunt colorem, Nigritarum sanguis exploratus, idem ac Europeorum. Alii ex actione imaginationis matris in fœtum, nigritiei causam tãhant. Quædam prægnans statuam nigram Ægyptam, naso complanato, vidisse dicitur, parem peperit infantem; isto ab aliis viso homine multi nigri nati sunt: inde populus postea emergit. Talis opinio stare nequit; ex recentiori Physicâ nullam adeste matris in fœtum imaginationis actionem, probantia desumuntur argumenta. Spissum nigrumque succum cuticulam inter & corpus reticulare effusum, nigritudinis causam accusat celeberrimus Anatomista * Stat claudio pede hæc sententia; talis succus gratis supponitur, nullis demonstratur experimentis. Præ aliis caput extollere, videtur eorum opinio, qui partim in hepate, partim per cutis vasa bilem fecerni supponunt, quæ Icteri speciem, ut dicunt, Nigri producere valet; hanc nigram esse asserunt, sed quid ad rem? Ubique terrarum iisdem vacat operibus bilis; nigritiemque semper acquirit, diuturnam trahens in cistide fellea moram. Æconomia animali congrua magis statuatur hypothesi; humani corporis partes ab humoribus, quibus irrorantur, colorem mutuari, omnium partium lotio; inflammatio, icterus, morbi, metus, iræ, lætitiæ effectus evincunt; talis color qualis humor, inquit Hypocrates; at quot modis fluidorum mutatur indoles, totidem variant solida; cibo, potu, climate &c. Constans Phænomenon causæ ne fugaci tribuas; omnis regionis incolarum idem integumentorum apparatus, eadem vasorum distributio; est non æqualis diameter, perennem humorum deviationem in retis cutanei vasculis adjuvat aut arceat; devii enim sunt humores quoties locum lymphæ dicatum occupat pars sanguinis rubra. Amplior hic, strictior illic observatur diameter. In populis albo tinctis ferosam partem admittunt illa vasa, in nigritis verò sanguinem propriè dictum salino-sulphureis fœtum moleculis. Ancepne hæres? certior fiat mens ad Nigritarum naturam, sortem & conditionem paulisper attenda. Ea est ut subdeurentæ cœlo vitam degentes ipsius, fere nudi, actioni exponantur; inde cutis magis dilatantur vasa; ad extremam usque cutis superficiem propellitur sanguis; probant partium corporis, ignis ardori expositarum, maculæ rubræ, ne dicam nigræ; probant & rusticarum æstivo tempore solaribus radiis continuo deustæ facies, manus, & aliæ corporis partes, ardorem solis perpeßæ, ad nigritiei speciem tendentes. Duris, nec fere interruptis vacant operibus Æthiopes, inde subtilioris transpiratorii humoris copiosius effluvium, à vasorum dilatatione ita adjutum, ut crassiore hujusce humoris materiâ, sanguini ad cutem appellenti, immiscendâ, huncque humorem pinguem Nigritarum cuti adhærentem, formandâ, remanente, subtilior omninò avolet & eliminetur. Ad id operis conferunt etiam alimenta plerumque salina ac farinacea: pane veluti endemio vescuntur. Quis enim ignorat radicem cujusdam plantæ, (Maniok) cujus succus à naturâ suâ venenum, arte fieri cibum Æthiopibus frequentiore (Cassavre.) Variis piperum speciebus sua condiunt alimenta, spirituosos ebibunt liquores; hinc juxta fluidorum morem perniciosi agitantur motu corporis liquores, minima ac tenuissima promiscuè su: beunt vasa, eaque quo tinguntur insciantur colore; vasorum parietes cum humoribus unum & idem fiunt, nec mirum; exemplo sunt pulli rubiâ nutriti, quorum ipsamet ossa colore rubro insciantur.

III.

ÆTHIOPUM cutis vasa facili negotio sanguinis impulsui cedere, hic probare non abs re erit. Corporis involucrum cutis, triplici constat membranarum serie, catè propriè dictâ, corpore reticulari, & Epidermide seu cuticula, In-

3

tricarissimò fibrillarum tendinearum; membranearum; nervearum & vascularium textu componitur cutis. Ex extremis nervorum cutaneorum filamentis, penicillorum ad instar, in superficie cutis externa protractis, papillæ exurgunt, quæ dicuntur nervæ; cutem quasi horridam reddunt, diversisque in partibus inæqualiter crassam; tactus organum ex his deducas papillis. Extrema arteriarum venarumque capillamenta retis in modum disposita, per totam distribuuntur cutis peripheriam, papillarum interstitia replent, vasculare rete seu corpus reticulare constituunt; ita exilia sunt illa vasa ut humori tantum seroso ac tenui devehendo sint destinata. Epidermis seu cuticula intus lævis, extrinsecus squammulis seu lamellis coherentibus instructa, cutis efflorescentia papillarumque extensio habetur; corpori reticulari firmissimè adhæret, à materiâ ex papillis cutaneis pluyente hanc oriri affirmant Anatomici. * Tenuissimæ telæ speciem exhibet epidermis, organum tactus temperat. * Winslow. Eam *diaphanam* omnino esse ne existimes; Æthiopum cuticula contrarium edocet; suum tamen ad cutis nitorem ac levitatem symbolum confert: ast à nimia cutis Æthiopum laxitate, laxiorem enim ipsis, sic & Septentrionalibus populis strictiorem cutis compagem esse apud omnes constat, facilius in ipsius vascula impetus sanguinis depromatur. Ab humoribus retis vascula percurrentibus cutis colorum modificatio, mutari colores à mutata vasorum mole, figura, verbo fluidorum & solidorum à variâ superficie ex Physicis certum; nihil enim aliud est color, quàm radiorum luminis in corporis alicujus superficiem incidentium, & inde diversimodè reflexorum effectus, quidquid ergo mutabit superficiem, mutabit & reflexionem diversimodè ergo afficietur visus organum à radiis luminis effluviis mobilissimis, summè elasticis, ac subtilibus è sole jugi fluxu dimanantibus; Quot refracti radii, quot reflexi, convergentes, aut divergentes ab auctâ aut imminutâ resistentiâ, ast superficiem solidorum mutat humorum deviatu inde Nigritarum coloris perennis causa, dubitas? Tegumenta Nigritarum scrutare,

I V.

CLAUDI Claudos gignunt, Gibbosi Gibbosos procreant, à myopibus myopes generantur, lue venereâ infecti venereâ labe contactos pariunt infantes. Arthritico dolore laborantes ex arthriticis nascuntur; hic ocellis à cæteris distingui Sinaâ, illic à forti fortem, ab imbelli imbellem, ducere originem animadvertimus, variisque vultus lineamentis hujus vel istius familiæ principes noscuntur. Sic jure hereditario varias corporis animique dotes patiuntur mortales, quid mirum ergo Nigritam ex Nigritâ nasci; quid mirum filios iisdem dispositionibus ac parentes fieri participes, quæ rerum non-naturalium usu & actione augentur ac foveantur; quâ lege quoque mechanismo traducantur hæ dispositiones, hoc opus hic labor. Quod ope humoris ovum tempore generationis sæcundantis, solidorum communicent morbi, illud, inter arcana, quæ sibi soli servavit Deus, meritò repones. Degenerem fieri necessum esse Æthiopum colorem frigidiores cum incolunt regiones; ex eo præcisè patet quod eodem sub cælo non vivant, non eundem solis patiantur æstus; frigori constringuntur vasorum extrema; non iisdem nutriuntur esculentis, non tam vividus humorum motus; ex constrictione vasorum minori quantitate avolat limpha, majori copiâ immixta reliquo sanguini manet; sanguinis rubræ parti minor conceditur aditus; variat superficies, mutatur color. Eadem de causa manuum palmarum plantarumque pedum à cæteris corporis partibus discrepantia; à laboribus obliterantur pori cutis, obdurescuntque partes, ita ut soli limphæ sit transitus. Ast undenam hominum mulorum color. Sic appellatur à nigro & albâ, vel vice versâ, orta progenies ex vasis cutis diametro inæqualibus, mixtus fit color, utriusque parentis in ipsis vasa emergunt, unde quid tertium ex utroque pendens exurgit; pars vasorum ex nigro desumpta appellenti cedit sanguini; dum ex albâ mutuati tubuli ipsius copatui reluctantur.

QUIDNAM Æthiopum morbi denunciant præter motum in humoribus maxime acceleratum; sunt plerique Tetanici; a nimio spirituum animalium in nervos influxu Tetanos. Ab accelerato humorum motu jugis ille aliquod per tempus in musculos colli & dorsi succi nervei appulsus, unde contractio. Ex eodem fonte ipforum ad venerem effrænata propensio. A minimo morbo splendida abraditur nigredo, ex mixtâ cum sanguine bile buxi induunt colorem Nigritæ: ne dum ab ipsa nitidior evadat nigrities nec amissum recuperant nitorem ni prius omnino bilis suas occupet sedes. At inveniunt lineæ Nigritarum vivis admoda corporibus colore quodam bilem referente tinguntur; fricentur lineis collum & alix partes quorundam hujusce regionis incolarum, opimo præsertim corpore, lineæ iisdem inficiuntur maculis. At Galli aut Alii vitam eodem sole degentes non nigrescunt. Equidem, paululum tamen iporum immutatur vultus color. Quod alimentorum, laborum, ornamentorum ve discrimen, quâ curâ à se illi solares expellunt radios, dum ad se decorandos alii oleosis nigrique sese pingunt & oblinunt liquoribus Capillis curtis, ac crispis ornatur Æthiopum caput, nullum ante nutritionem augmentum spera, cuius capillo nutritioni sufficientem suppeditat annexus bulbus accretioni necessariam denegat; limphâ subtiliori continuo avolante capillaria vasa auctione defraudantur. Infantes Æthiopum semialbos nasci absque causâ miraris, ut cuiusvis gentis, sic fetus Nigrita in utero matris undique obvolvitur; inde omnibus par conditio; per totum cutis habitum minimâ copiâ propellitur sanguis, pars limphatica cum globulosa pari fertur gradu, blando succo nutritur; at ubi Æthiops fetus in lucem editur tunc exponitur acri calido: solis æstus cutem ipsam vasaque penetrat, hinc vasorum dilatatur diameter, cutis pori spatiantur, liberius fluere jam incipit limpha, quâ spoliatur globulosa pars; cæ paulatim siccata, aliquot post dies nigrescit recens natus; ubi progreditur infans alimentis solidis liquidis ve insuper recensitis parentum induit naturam, sitque tandem perfectus Æthiops.

Ergo à Globulosa sanguinis ad cutem appellentis, Æthiopum color,

DOMINI DOCTORES DISPUTATURI.

<i>M. Joannes-Jacobus Bellæste.</i>	<i>M. Antonius Ferrein, Professor Regius, è Regiâ scientiarum Academiâ & Chirurgiæ Professor designatus.</i>	<i>M. A. xas Josephus Scrog.</i> na
<i>M. Michaël Philippus Bou.</i> cari.	<i>M. Bartholomæus Murry, Chirurgiæ Professor.</i>	<i>M. Thomas Renatus Gagnier,</i>
<i>M. Michaël Josephus Majault.</i>	<i>M. Carolus Payen, Chirurgiæ Gallicæ idioma Professor.</i>	<i>M. Philippus Davier de Brucille,</i> Dotaria Hispaniarum Regiæ, dum viveret, Medicus ordinarius.

Proponebat Parisiis JACOBUS VERDELHAN-DES-MOLES, Materiensis, Doctor Medicus Monspellienfis, Saluberrimæ Facultatis Medicinæ Parisiensis Baccalaureus, A. R. S. H. 1742. à sextâ ad meridiem.